



## **RISALAH PENDEDAHAN PRODUK**

**Produk: Pelan Warga Emas Bank Simpanan Nasional**  
**Tarikh Dikeluarkan:**

**Nota: Sila baca Risalah Pendedahan Produk ini. Pastikan juga anda membaca dan memahami terma-terma dan syarat-syarat am polisi ini.**

### **1. Mengenai produk ini**

Produk ini menyediakan pampasan sekiranya berlaku kecederaan, kehilangan upaya atau kematian yang disebabkan oleh kemalangan yang berlaku secara tiba-tiba dan tidak dapat dijangka. Perlindungan adalah 24 jam sehari dan meliputi seluruh dunia.

Perlindungan ini boleh dilanggan oleh mana-mana pengguna perkhidmatan perbankan yang merupakan pemegang akaun simpanan atau akaun semasa Bank Simpanan Nasional bagi pihak individu, pasangan sah atau ibu bapa mereka.

### **2. Apakah perlindungan / manfaat yang disediakan?**

Sila rujuk Jadual Manfaat yang dilampirkan dalam kontrak polisi anda.

Perlindungan anda diperbaharui secara automatik selepas bayaran premium dibuat, melainkan jika anda membatalkan polisi ini dengan mengemukakan notis 30 hari secara bertulis kepada kami. Kami akan terus menyediakan perlindungan di bawah polisi ini bagi baki tempoh di mana premium telah dibayar dan akan menamatkan perlindungan setelah tempoh tersebut berakhir.

### **3. Berapakah jumlah premium yang perlu saya bayar?**

- (a) Sila rujuk jumlah premium yang tertera pada jadual sijil yang dilampirkan dalam polisi ini.
- (b) Premium boleh dibayar secara bulanan.

### **4. Apakah yuran dan caj yang perlu saya bayar?**

Tiada komisen yang perlu dibayar.

### **5. Apakah terma-terma dan syarat-syarat penting yang perlu saya beri perhatian?**

#### **(a) Pendedahan:**

- (i) Anda hendaklah mendedahkan kesemua fakta material (seperti umur dan pekerjaan anda) yang boleh memberi kesan ke atas profil risiko.
- (ii) Sebarang salah nyataan pada fakta material (seperti umur dan pekerjaan anda) atau penipuan akan memberi kesan ke atas profil risiko.

#### **(b) Tuntutan:**

- (i) Semua tuntutan hendaklah dikemukakan kepada kami dalam tempoh 30 hari dari tarikh kerugian.
- (ii) Semua dokumen sokongan yang membuktikan kerugian hendaklah diserahkan dalam tempoh 90 hari dari tarikh kerugian.
- (iii) Tiada tuntutan yang akan diterima jika dikemukakan selepas 1 tahun dari tarikh kerugian.
- (iv) Semua tuntutan akan dibayar kepada anda. Sekiranya berlaku kematian, tuntutan akan dibayar kepada penama atau estet anda.

#### **(c) Bilangan polisi:** Anda hanya dilindungi di bawah satu polisi menurut insurans ini.

#### **(d) Umur:**

- (i) Anda, pasangan sah atau ibu bapa anda hendaklah berumur 18 tahun dan ke atas dan di bawah 76 tahun untuk layak menerima perlindungan dan polisi ini boleh diperbaharui sehingga 85 tahun.
- (ii) Umur anda adalah merujuk kepada harijadi terakhir anda.

### **6. Apakah pengecualian utama di bawah polisi ini?**

Polisi ini tidak melindungi kematian atau kecederaan yang diakibatkan oleh atau kepada:

- (a) Ahli angkatan tentera dan ahli sukan profesional.
- (b) Bunuh diri atau kecederaan yang disengajakan.
- (c) Semasa mengikuti penerbangan melainkan sebagai penumpang yang membayar tambang.
- (d) Pelanggaran undang-undang dan apa-apa bayaran yang boleh melanggar mana-mana pengharaman atau peraturan kerajaan.
- (e) Kemalangan berkaitan pengambilan dadah.
- (f) Gangguan mental atau saraf.
- (g) Keadaan sebelum tarikh anda mendaftar polisi ini di mana:
  - (i) anda sedang menerima rawatan.
  - (ii) kaunseling, rawatan atau diagnosis telah disyorkan kepada anda.
  - (iii) simptom-simptom adalah jelas dan nyata.
  - (iv) keadaan adalah ketara.
- (h) Sindrom Kurang Daya Tahan Penyakit (Acquired Immune Deficiency Syndrome (AIDS)), Virus Kurang Daya Tahan Manusia (Human Immunodeficiency Virus (HIV)).
- (i) Memandu atau menunggang dalam mana-mana jenis perlumbaan menggunakan kenderaan bermotor.
- (j) Bahan-bahan nuklear, kimia atau biologi.
- (k) Peperangan (sama ada diisytihar atau tidak).

Nota: Senarai ini tidak sempurna. Sila rujuk kepada kontrak polisi bagi senarai penuh pengecualian di bawah polisi ini.

**7. Bolehkah saya membatalkan polisi ini?**

- (a) Anda boleh membatalkan polisi anda dengan menyerahkan notis 30 hari secara bertulis kepada kami. Perlindungan anda akan diteruskan selama tempoh di mana premium telah dibayar dan akan tamat selepas tempoh tersebut berakhir.
- (b) Kami boleh membatalkan polisi ini dengan memberikan notis 30 hari secara bertulis kepada anda. Perlindungan anda akan diteruskan selama tempoh di mana premium telah dibayar dan akan tamat selepas tempoh tersebut berakhir.

**8. Apakah yang perlu saya lakukan jika terdapat perubahan pada butir-butir peribadi saya?**

Adalah penting untuk anda memaklumkan kepada kami tentang apa-apa perubahan pada profil anda yang boleh memberi kesan kepada profil risiko.

**9. Di manakah saya boleh mendapatkan maklumat lanjut?**

Sekiranya anda memerlukan maklumat tambahan mengenai polisi ini, sila rujuk risalah 'Insurance Info' mengenai "Insurans Kemalangan Diri", yang boleh didapati di semua cawangan kami atau anda boleh dapatkan salinannya daripada ejen insurans, atau layari [www.insuranceinfo.com.my](http://www.insuranceinfo.com.my)

Untuk sebarang pertanyaan, sila hubungi kami di:

AIG Malaysia Insurance Berhad,  
Menara Worldwide,  
198, Jalan Bukit Bintang,  
55100 Kuala Lumpur.

Tel : 1 800 88 88 11  
E-mel : [AIGMYCare@aig.com](mailto:AIGMYCare@aig.com)

**10. Lain-lain jenis perlindungan kemalangan diri yang boleh didapati:**

Sila rujuk laman web kami di: [www.aig.my](http://www.aig.my)

**NOTA PENTING:**

**ANDA DINASIHATKAN UNTUK MENGAMBIL PERHATIAN TENTANG SKALA MANFAAT BAGI KEMATIAN DAN KEHILANGAN UPAYA YANG DINYATAKAN DALAM POLISI INSURANS ANDA. ANDA HENDAKLAH MENAMAKAN SEORANG PENAMA DAN MEMASTIKAN PENAMA ANDA SEDIA MAKLUM TENTANG POLISI KEMALANGAN DIRI YANG ANDA LANGGANI. ANDA HENDAKLAH MEMBACA DAN MEMAHAMI POLISI INSURANS, DAN BERBINCANG DENGAN EJEN ATAU TERUS MENGHUBUNGI SYARIKAT INSURANS UNTUK MAKLUMAT LANJUT.**

**JIKA TERDAPAT PERTIKAIAN ATAU KEKABURAN UNTUK TEKS DI DALAM PERUNTUKAN ENGLISH ATAU BAHASA MELAYU, VERSI ENGLISH AKAN DIGUNAKAN.**

**MAKLUMAT YANG DISEDIAKAN DALAM RISALAH PENDEDAHAN INI ADALAH SAH SEPERTI PADA 1HB NOVEMBER 2010.**